

nichts zu erkentnis Der Temperament Der
Biere/ Derwegen sie auch nicht zu setzen/
viel weniger zu schetzen/ oder zu beschrei-
ben/ Ist auch nicht von nöten/ Das man sie
deuten/oder auslegen wolte.

Kostocher Bier.

In dem Landt zu Mekeleburg/
ligt eine herrliche feine große
Stadt / Darin auch eine hohe bes-
rhümpte Schul gelegen/ Darin mā
auserwelt gut Rot Bier brawet / Das
weit vnd fern/ zu Wasser vnd Lande vers-
führet wird/hat gute substanz/ temperas-
ment/geschmack/farbe/ vnd alles was es
haben sol/nutrürt vnd alterirt wol / vnd
thut einem der Kopff dauon nicht wehe/
Das eine besondere gabe vnd gnade ist/ Das
mit diß Bier von andern abgefondert/ Es
ist ein Sommer vnd Winterbier/ vñ wird
sein viel zu Copenhagen in Dennemarch
getruncken/daselbst es mich oft erquicket
vnd wider lustig gemacht / auch wol an
andern örtern vnd enden mehr/ Da ich ges-
wesen/vnd man solch Bier/ wann ich dara-
nach gefraget /hat haben können/ So ein-
gar guter frischer vnd gesunder trunck/
ists an ihm selbst.

Wismarisch Bier.

Wismar